



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

VII. Christus lauit pedes discipulorum.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

rat ei, si natus non fuisset homo ille. Respondens autem Iudas, qui tradidit eum, dixit. Nunquid ego sum Rabbi? *Au illi, tu dixisti.* Similia Marc. 14. 18. 19. 20. 21. & Luc. 22. 21. 22.

CAPVT VII.

Christus lauit pedes discipulorum.

FIGVRAE. 1. Fratribus Ioseph inuitatis à Iosepho ad conuiuium lauantur pedes à famulis Ioseph. Genes. 43. 24. *Et introductis domum, attulit aquam, & lauerunt pedes suos, deditq; pabulum asinis eorum.* Apostolis verò ab ipso Christo lauantur pedes.

2. Moyses cum congregasset omnem tribum ad fores tabernaculi, obtulit Aaron & filios eius, cum eos prius lauisset. Leuit. 9. 4. vt mandatum fuit. Exod. 29. 4. 5. 6. *Et Aaron, ac filios eius applicabis ad ostium tabernaculi testimonij. Cumq; laueris patrem cum filiis suis aqua, indues Aaron vestimentis suis, id est, linea & tunica, & superhumerali & rationali, quod constringes balteo, &c.*

3. Abigail vxor Nabal adscita in vxorem Dauid, agnoscit se pro famula, vt lauet pedes seruorum Domini sui. 1. Reg. 25. 40. 41. *Et venerunt pueri Dauid ad Abigail in Carmelum, & locuti sunt ad eam, dicentes. Dauid misit nos ad te; vt accipiat te sibi in vxorem. Quae consurgens adorauit prona in terram, & ait.*
S 4
Ecco

*Ecce famula tua sit in ancillam, ut lauet pedes ser-
uorum Domini mei.*

PROPHETIAE. Psalm. 50. vers. 4.
*Amplius laua me ab iniquitate mea, & a pec-
cato meo munda me. Vers. 9. Asperges me hyss-
sopo & mundabor, lauabis me, & super niuem deal-
babor. Cant. 5. 3. Expoliaui me tunica mea, quo-
modo induar illa? laui pedes meos quomodo inqu-
nabo illos? Isai. 1. 16. Lauamini, mundi estote, au-
ferte malum cogitationum uestrarum ab oculis meis,
quiescite agere peruersè, discite benefacere. Thren.
1. 8. Sordes eius in pedibus eius, nec recordata est
finis sui: deposita est vehementer, non habens consi-
latores: vide Domine afflictionem meam: quo-
niam erectus est inimicus. Ezech. 36. 25. Effun-
dam super vos aquam mundam, & mundabimini
ab omnibus iniquamentis uestris, & ab omni
idolis uestris mundabo vos.*

VERITAS. Matth. 20. 26. 27. 28. Non
*ita erit inter vos; sed quicumq; voluerit inter
maior fieri, sit vester minister, & qui voluerit
inter vos primus esse, erit vester seruus: sicut filius ho-
minis non venit ministrari, sed ministrare, & dare
animam suam, redemptionem pro multis. Luc. 22.
27. 28. Nam quis maior est, qui recumbit, an qui
ministrat? nonne qui recumbit? Ego autem in me-
dio uestrum sum, sicut qui ministrat. Vos autem
Ioan. 13. 2. 3. 4. 5. 6. 7. 8. 9. 10. 11. 12. 13. 14.
15. 16. Et cœna facta, cum diabolus iam misisset*

cor ut traderet eum Iudas Simonis Iscariotes: sciens quia omnia dedit ei Pater in manus, & quia à Deo exiit, & ad Deum vadit: surgit à cœna, & ponit vestimenta sua, & cum accepisset linteum, præcinxit se. Deinde mittit aquam in peluim, & cepit lauare pedes discipulorum, & extergere linteo, quo erat præcinctus. Venit ergo ad Simonem Petrum. Et dicit ei Petrus: Domine, tu mihi lauas pedes? respondit Iesus, & dixit ei: quod ego facio, tu nescis modo, scies autem postea. Dicit ei Petrus: non lauabis mihi pedes in æternum. Respondit ei Iesus: si non lauero te, non habebis partem mecum. Dicit ei Simon Petrus, non tantum pedes meos, sed & manus, & caput. Dicit ei Iesus. Qui lotus est, non indiget nisi ut pedes lauet, sed est mundus totus. Et vos mundi estis sed non omnes: sciebat enim quisnam esset qui traderet eum, propterea dixit: non estis mundi omnes. Postquam ergo lauit pedes eorum, & accepit vestimenta sua: cum recubisset iterum, dixit eis. Scitis quid fecerim vobis? vos vocatis me magister, & Domine, & bene dicitis: sum etenim. Si ergo ego laui pedes vestro, Dominus & magister, & vos debetis alter alterius lauare pedes, Exemplum enim dedi vobis: ut quemadmodum ego feci vobis: ita & vos faciatis. Amen, amen dico vobis: non est seruus maior Domino suo: neque apostolus maior est eo qui misit illum.